

Melita Hlina → uputiti!

**БОСНА И ХЕРЦЕГОВИНА**  
 Министарство иностраних послова



**BOSNA I HERCEGOVINA**  
 Ministarstvo vanjskih poslova

Broj: 06/6-32-05-5-16474-1/20  
 Sarajevo, 17.06.2020. godine

**MINISTARSTVO SPOLJNE TRGOVINE I EKONOMSKIH ODNOSA BiH**

Fax: 033 220 091

**AGENCIJA ZA UNAPREĐENJE STRANIH INVESTICIJA U BiH**

Fax: 033 278 081

**SPOLJNOTRGOVINSKA KOMORA BiH**

Fax: 033 214 292

**VLADA REPUBLIKE SRPSKE**

Fax: 051 339 119

**MINISTARSTVO RAZVOJA, PODUZETNIŠTVA I OBRTA FBiH**

Fax: 036 449-122

**PRIVREDNA KOMORA FBiH**

Fax: 036 332 966

**PRIVREDNA KOMORA RS**

Fax: 051 215 565

**PRIVREDNA KOMORA BRČKO DISTRIKTA BiH**

Fax: 049 216 116

**Predmet:** Službena posjeta Privrednoj komori Siegen, mogućnost organizovanja poslovnog mini sajma, informacija, dostavlja se

Na inicijativu Generalnog konzulata Bosne i Hercegovine u Frankfurtu (GK BiH u Frankfurtu), 10.06.2020. godine održan je sastanak u Privrednoj komori Siegen. Trgovinsko-industrijska komora Siegen (IHK) samoupravno je tijelo svih kompanija u regiji Siegen-Wittgenstein i Olpe. Pripada jednoj od najrazvijenijih pokrajina SR Njemačke, Sjevernoj Rajni Vestfaliji (Nordrhein-Westfalen) ili skraćemo NRW, koja učestvuje s 22% ukupnog njemačkog bruto-društvenog proizvoda.

IHK Siegen broji u svome članstvu oko 25000 kompanija. Najvažniji sektor predstavlja metalna industrija. IHK vrlo usku suradnju ostvaruje sa Univerzitetom u Siegen, s kojim prilagođava svoj rad i programe situaciji na tržištu i u društvu. Prilikom sastanka, predstavnici GK BiH u Frankfurtu informisali su o važnosti ove grane industrije za našu zemlju i predstavili neke od zainteresiranih firmi iz BiH, koje se bave metalnom industrijom. Također, predmetnom sastanku je prisustvovao i predstavnik njemačke firme „Graewe” koji pored ove, imaju firmu, tj. proizvodnju i u Konjicu u kojoj je zaposleno oko 300 radnika. Tom prilikom prezentovan je rad ove firme, koja se bavi proizvodnjom različitih vrsta zatvarača/spona. Takođe, predstavnik „Graewe” je istakao da je zadovoljan radom firme u Konjicu, osim u domenu plaćanja carine prilikom tzv. „Aktive Veredelung”, na engleskom „Inward processing” tj. aktivne obrade/oplemenjivanja proizvoda.

Naime, aktivnim oplemenjivanjem, proizvodi koji nisu iz Evropske Unije, uvoze se na carinsko područje Evropske Unije kako bi se mogli dalje obrađivati ili dovršiti. Dok god se proizvod nalazi u ovoj aktivnoj obradi, tako uvezena roba u EU ne podliježe plaćanju carine, tj. oslobođena je uvoznih carina. Međutim, u BiH to nije slučaj i ova carina se mora platiti u iznosu od 10%. Ovaj namet predstavlja opterećenje za proizvođača, jer ga čini nekonkurentnim na tržištu.

Upravni direktor IHK Siegen, g. Langer i rukovodilac za privredne komore u inostranstvu i spoljnu trgovinu, g. Brill, predložili su da se na inicijativu Generalnog konzulata BiH u Frankfurtu organizuje mini sajam, koji podrazumijeva dolazak zainteresovanih predstavnika kompanija, članica IHK Siegen, kojima bi tom prilikom bh. predstavnici lično prezentovali djelokrug rada svojih kompanija, s ciljem ulaganja, partnerstva ili ostvarivanja svake vrste poslovne saradnje. Predstavnici GK BiH u Frankfurtu su se zahvalili na ukazivanju ove sjajne prilike za ostvarenje direktnog kontakta s potencijalnim investitorima, te su istakli da geografska blizina dvije zemlje, stručna radna snaga, kao i drugi povoljni faktori predstavljaju značajnu prednost za njemačke ulagače da investiraju u bh. kompanije.

Slijedom navedenog, iz GK BiH u Frankfurtu traže da im se dostavi lista bh. kompanija koje bi bile zainteresovane za ovu vrstu promocije. Takođe, ukoliko predstavnici zainteresovanih kompanija nisu u mogućnosti da prisustvuju, prezentaciju bi mogli napraviti predstavnici GK BiH Frankfurt, kao što su to i ranije činili. U tom slučaju, potrebno je dostaviti detaljne informacije o zainteresiranim kompanijama, njihove kontakt podatke, reklamne flajere ili drugi promotivni materijal, kao i željene oblike poslovne suradnje.

Ministarstvo inostranih poslova Bosne i Hercegovine poziva sve institucije iz naslova da dostave svoje stavove i mišljenja u pogledu eventualne organizacije navedenog događaja.

2. POMOĆNIK MINISTRA

*SR*

Ahmet Halilović

